

亥21

1-8

醫學叢書

急救仙方六卷



急積仙方



光緒四年秋曰
栞濠吏署檢



欽定四庫全書

急救仙方

提要

臣

等謹按急救仙方六卷不著撰人名氏

其書宋志及諸家書目均未著錄惟焦竑

國史經籍志載有急救仙方十一卷註云

見道藏亦不言作者爲誰考白雲齋道藏

目錄太元部惻字號中有急救仙方與永

樂大典所載合則焦氏誤倒其文爲救急

也瘍醫自周禮卽自爲一科然傳習其術



者多不能通古人之意是編於背瘡疔瘡
眼科痔證四者所載證治尤詳蓋作者所
擅長在此門中如論背瘡條內所載蓮子
蜂窠散走流注腎俞諸發名目猥眾乃能
一一討論各詳其證之形狀與得病之因
療治之法條分縷晰爲自來瘍科所未及
其疔瘡門內所立追疔奪命湯一方備詳
加減之法學者苟能觸類旁通亦足以資
博濟之用非精於是術者不能作也雖雜
瘡證諸門稍有闕佚然綱要具存正不以



不完爲病矣乾隆五十年二月恭校上



急救仙方卷一

背瘡治法

發背廣一尺深一寸雖潰至骨不穿膜不死

此證因飲食而感其毒發在胛肚之間急宜用藥
治其胛肚中之毒內外夾攻之否則易腐作臭初
發時用追疔奪命湯化毒消腫托裏散內托千金
散可以內消中間敷解毒生肌定痛藥四圍敷拔
毒散後用生肌膏藥必定見效

蓮子發

此證發于右胛中恐其毒攻心急須用藥散之又



須敷藥截住不令內攻如通背皆腫殆不可救小
者可療諸瘡痛癢皆在于心心生血而行氣走痛
諸瘡皆有主療敷貼之藥並可將火鍼三四鍼之
爲妙用化毒消腫托裏散 加 南星 草烏
木鼈子 貝母 大蒜 生薑共爲末 米醋調
敷留口二三日夜卽消盡矣常須以醋潤之

蜂窠發

此證發在頭上最不易治乃是反證卻要仔細急
須服藥托裏生肌定痛散血恐毒氣攻心入膜必
難治療因心火未散故也

散走流注發

此俗云鼃影之證醫方原無此說但取大小相連之象以狀其毒乘風熱而走也蓋因風盛而生熱氣因熱極而四散走注急宜疎風散熱則熱氣自然而息若使流注于手足腰腿必死無疑矣

腎俞發

此證先因受濕繼乘怒氣飲熱酒而得之傷于內腎之間流毒在腎俞急宜服藥敷貼解散內腎之毒更用生肌藥內外夾攻之若發傷腎膜者則有難治之患切戒怒氣飲酒行房事稍或有犯決不

可治慎之慎之

腎俞雙發及胛癰

此證腎俞雙發因飲熱酒行房事兼受濕氣怒氣而得也陽發於外可治陰發傷於腎膜膿稀者爲虛難治必死

胛癰發於左膊之間初發可用燈火點破追疔湯汗之卽散

右搭肩發

此證發於右搭肩骨上生於動處雖難安猶可治串於左肩者必難治也用藥塗摻依後左搭肩方

左搭肩發

此證發於左搭肩骨上生於動處雖難安猶可治
串於右肩者必難治也可用雞黃皮及絮焙乾爲
末濕則乾摻之乾則用清油調塗之

對心發

此證因心火盛而熱氣會在此處其毒愈盛必
走急用疎導心火之藥解之然後用生肌藥可愈
發背兩頭

此證兩頭小四邊散是因飲食所致也氣食相合
因虛而成氣虛而散所以開口而闊急服內消藥



亦宜補陽也

化毒消腫托裏散 治癰疽發背乳骨癰疔瘡腫毒

及一切惡瘡癰咽喉腫痛

人參

無亦可

赤茯苓

白朮

錢各六

滑石

桔梗

金銀花

各二兩

荊芥穗

山梔子

錢各五

當歸

兩一

川芎

黃耆

赤芍

蒼朮

麻黃

大黃

黃芩

防風

甘草

薄荷

連翹

石膏

芒硝

加縮砂不用此

或加

栝樓

牡蠣

貝母

木香

疔瘡

加

腳蓮

河車

瘰癧

加

車前子

木通

竹葉

疼痛

加

乳香

沒藥

咽喉

加

大黃

梔子

竹葉

燈草

腳氣

加

宣木瓜

檳榔

嗽

加

半夏

薑汁製

用生薑同煎



右咬咀每服五錢水一碗葱白一根煎熱服汗出
爲度服後若利三五行爲妙大病不過三五服毒
卽內消盡矣

解毒生肌定痛散 治癰疽發背乳癰人面外疔金
刀諸般惡瘡癰腫毒

黃連

一兩

黃檗

苦參

各四兩

木賊

防風

各一兩

加

羌活

獨活

右咬咀大瓦瓶盛水入前藥煎湯以鑪甘石十斤
用炭火煨通紅鉗在藥內不問片大小皆要令酥



內青色方好如石不酥再將前藥滓煎湯以石淬
酥方住卻將瓦盆蓋在地上一晝夜收去火毒候
乾研極細末此石十斤用石膏二十斤別研極細
拌勻和後藥用

赤石脂

煨

谷丹

炒此二味
同煎研和

南木香

血竭

降真香

乳香

沒藥

白芷

黃連

黃檗

白藪

各等分

龍骨

煨

加

硃砂

何首烏

有蟲加

輕粉

苦參

百藥煎

雄黃

水不乾 加

蜾蜊皮去

右爲細末與前藥拌和用之敷中間

發背若黑不疼痛者卽爲陰

艾葉

一斤

雄黃

硫黃

各半兩

右二味同水煮艾半日候溫敷之再煮別艾換之敷十餘遍若疼痛則可瘳不死如不疼痛出黑血者必死

發背走開不住 初發時卽可用後藥箍之

白鹽梅

皂角

右二味燒炭存性爲末不發熱者米醋調四圍箍之連換卽不走開若加薑汁同醋調尤妙如發熱者茶清調塗立效

海馬拔毒散 治發背諸惡瘡兼治疔瘡大效

海馬 一雙 炙

穿山甲 黃土 炒

水銀

硃砂 各二 錢

雄黃 三 錢

輕粉 一 錢

腦子 少 許

麝香 少 許

右除水銀外各研爲末和合入水銀再研至無星
鍼破瘡口點藥入內一日一點神效

竹筒吸毒方 治諸般惡瘡用苦竹頭三寸刮去青

